

EDUKACIJA

**Integrirano učenje i formativno praćenje u inkluzivnom
okruženju**

ČETIRI MODULA



SVRHA EDUKACIJE

- Razumijevanje temeljnih koncepata integracije nastavnih predmeta kroz upoznavanje NTC sistema učenja, formativnog praćenja kao podrške učenju i podučavanju, integracija nastave i formativno praćenje u inkluzivnom okruženju

CILJ EDUKACIJE

- Podizanje kompetencija nastavnika razredne nastave za primjenu nastavnih planova i programa s definisanim ishodima učenja i pružanje podrške školama u unapređenju odgojno-obrazovnog rada na osnovu integracijskog pristupa pri grupisanju predmeta prema odgojno obrazovnim područjima. Osposobljavanje nastavnika/-ca da za potrebe nastave izrađuju i provode nove i kvalitetne časove i projekte

STRUKTURA EDUKACIJE

I modul edukacije: Teorijska osnova

- a) integrisana nastava kroz NTC učenje
- b) formativno praćenje kao podrška učenju i podučavanju
- c) integrisana nastava i formativno praćenje u inkluzivnom okruženju

II modul edukacije: Upravljanje razredom

Drugi modul usmjerenje ka razvijanju specifičnih kompetencija nastavnika

Tema: „Upravljanje razredom”

III modul edukacije: Integrisana nastava kroz NTC učenje - radionica

IV modul edukacije: Formativno praćenje kao podrška učenju i podučavanju

Šta je integrisana nastava?

Integrisana nastava je metodički model koji najviše odgovara potrebi djece da stječu iskustva na cjelovit način.

Temelj integrisane nastave je tematsko poučavanje čije je polazište zajednička tema koja se proučava s različitih gledišta.

Tematsko poučavanje je oblik integrisanog poučavanja u kojem se samostalno i aktivno učenje učenika organizira oko središnje teme (sadržaja, fokusa) te se o nekom problemu, pojmu uči interdisciplinarno s više aspekata. Ono organizira kurikulum tako da učenici mogu uvidjeti povezanost između različitih predmeta i odnose tih predmeta prema životu.

CILJEVI INTEGRISANE NASTAVE

- **Podsticanje kreativnosti i intelektualne radoznalosti učenika**
- **Pomaganje učenicima i razumijevanja suštine nastavnih sadržaja**
- **Omogućavanje učenicima usvajanja funkcionalnih znanja**
- **Uključivanje učenika u planiranje, pripremanje i realizaciju aktivnosti**
- **Pružanje dovoljno vremena za pravično vrednovanje aktivnosti**
- **Povećavanje zadovoljstva učenika i učitelja**
- **Omogućavanje timskog rada učitelja**

- 
- 
- Jedna od karakteristika integrisane nastave je i učenje kroz igru.
 - Nastavni sadržaji svih nastavnih predmeta integrišu se u NTC igri.
 - Na ovaj način dobija se integrisan pristup nastavnim sadržajima svih nastavnih predmeta.
 - Najvažniji trenutak u nastavi jeste kada učenici počnu sami sebi da kreiraju igre, za koje im je potrebno povezivanje informacija iz više oblasti.

Igra „Lopta u krugu”

Opis igre: U igri učestvuju najmanje dva igrača, a poželjno je da ih ima što više. Izabere se jedan voditelj igre (koji može biti i odrasla osoba), a ostali se rasporede u krugu. Za igru je potrebna lopta i da se osmisle zadaci za igrače. Zadaci se unaprijed dogovore, a ukoliko je voditelj igre odrasla osoba, može mijenjati zadatke u zavisnosti od interesovanja grupe i dinamike igre. Voditelj igre baci nekom djetetu loptu. Zadatak djeteta je da loptu uhvati, čučne, ustane i odgovori na pitanje, a zatim vrati loptu voditelju ili je baci sljedećem igraču. Primjeri pitanja koja se postavljaju djeci jesu:

Izvor: Ranko Rajović, UNICEF konferencija Sarajevo., LINK:
<https://www.youtube.com/watch?v=-E7GWiEjju4&t=192s>

- 
- - imenuj pojam koji se završava na slovo K
 - - imenuj pojam koji u svom nazivu na drugom mjestu ima slovo P
 - - imenuj pojam koji u svom nazivu ima slovo M na trećem mjestu

Izvor: Ranko Rajović, UNICEF konferencija Sarajevo., LINK: <https://www.youtube.com/watch?v=E7GWiEjju4&t=192s>

ŠTA JE NTC SISTEM UČENJA?

- U NTC sistemu učenja informacija je sredstvo, a ne cilj učenja, uvođenje novih informacija, koje se ne nalaze u Nastavnim planovima i programima, obogaćuje učenikovo znanje i razvija njegovu radoznalost za učenje izvan školskog gradiva. Informacije koje se nalaze u nastavnim lekcijama često su nedovoljne za igru, što traži dodatni angažman učitelja. Na ovaj način dajemo slobodu nastavnicima da upravljaju ključnim sadržajima pomoću kojih ostvaruju ishode.

CILJEVI NTC SISTEMA UČENJA

Osnovni cilj NTC sistem učenja jeste ostvarivanje djetetova cjelovitog razvoja

- poticanje razvoja njegovih bioloških potencijala, kao i usadivanje temelja za učinkovito učenje u budućnosti.

Preostali ciljevi programa jesu:

- povećavanje stepena intelektualnih sposobnosti djece koja učestvuju u programu
- sprječavanje poremećaja pažnje i koncentracije u školskom periodu

- 
- razvijanje brzine razmišljanja, povezivanja i zaključivanja (funkcionalno znanje)
 - pravovremeno prepoznavanje darovite djece i poticanje razvoja njihove darovitosti (Rajović, 2009)

FUNKCIJA IGRE

- NTC sistem učenja polazi od djeteta i njegove primarne potrebe da se igra. U igri dijete pronalazi motivaciju za angažovanje, bez vremenskih i fizičkih granica.
- Da bi igra imala funkciju razvoja učenikovih potencijala, kako motoričkih, tako i misaonih i dovela do znanja, nastavnik modeluje nastavne sadržaje, poštujući sve elemente koje igra treba imati da bi bila funkcionalna: rotaciju, ravnotežu, govor, finu motoriku, akomodaciju oka, kretanje, vježbe oko-ruka i da podstiče razvoj misaonih struktura koristeći se misaonim klasifikacijama, misaonim serijacijama i asocijacijama (Rajović, 2012).

Izvor: Učenje i nastava

Bobić S. i Rajović R: NTC sistem učenja – primjena u razrednoj nastavi da li učenje može da bude igra

NTC TEHNIKE I METODE


NTC sistem učenja, koji je zasnovan na učenju kroz igru, pruža učitelju veliki izbor NTC metoda i tehnika koje pomažu u kreiranju nastavnog procesa u čijem je fokusu učenik i igra kao njegova primarna potreba, što predstavlja siguran put ka kreativnom, divergentnom mišljenju i razvoju upotrebnog znanja, što je prioritet u obrazovanju budućih generacija.

IZVOR: UČENJE I NASTAVA, BEOGRAD 2021.

NTC TEHNIKE I METODE

➔ Igra „Boja i pokret”

Cilj: Igrom se podstiče dinamička akomodacija oka, pravilan razvoj stopala i govora; uvježbavaju se rotacija i ravnoteža; podstiču se misaone klasifikacije i asocijativno mišljenje.



Izvor: Ranko Rajović, UNICEF konferencija Sarajevo., LINK:
<https://www.youtube.com/watch?v=-E7GWiEjju4&t=192s>

- Na pod prostorije pričvrste se dvije ljepljive trake u dužini od oko 2 m, jedna pored druge, uz razmak od 20 cm između njih
- U prostor između traka pričvrste se papiri u boji i slikovni prikazi pokreta koje dijete treba napraviti; broj papira u boji zavisi od interesovanja i uzrasta deteta, a poželjno je da ih je najmanje tri
- Slikovni prikazi pokreta nisu u vezi s bojama, te se njihov broj može također odrediti prema interesovanjima i uzrastu djeteta
- Zadatak djeteta jeste da se kreće između ljepljivih traka, nogu pred nogu i izvršava zadatke na koje nailazi usput, načini zadati pokret i imenuje pojam u zadatoj boji

NIVOI IGRE

- Nivo I: djetetu se zadaju jednostavnije, osnovne boje (žuta, crvena i plava), a između njih dva pokreta (da čučne i da se rotira)
- Nivo II: zadaje se veći broj boja (zelena, narandžasta, ljubičasta, crna i bijela), a pored njih se postavе i slikovni prikazi pokreta, tako da dijete mora u isto vrijeme načiniti pokret i imenovati pojam
- Nivo III: Potrebno je uz sve zadatke ograničiti vrijeme prolaska kroz igru, npr. može se zadati djetetu da sve zadatke izvrši za najmanje 30 sekundi; vrijeme prilagoditi uzrastu djeteta



Formativno praćenje kao podrška učenju i podučavanju

- **Učitelji i roditelji su prirodni saveznici, udruženi protiv zajedničkoga neprijatelja: problema koje dijete ima u učenju. Te probleme mogu rješavati samo saradnjom. Pritom je i jednima i drugima formativno praćenje dragocjen alat... ako se nauče njime služiti. (D. Juričić, Školski portal)**

```
graph TD; A[Formativno praćenje] --> B[Učitelj je onaj koji podupire učenika kontinuiranim utvrđivanjem kako napreduju i prilagođava tok nastave povratnim informacijama koje dobije od učenika]; A --> C[Strategije ocjenjivanja odvijaju se tokom procesa učenja za razliku od sumativnog koji se fokusira na završni ispit]; C --> D[Promijenjeni oblik učenja i podučavanja]; D --> E[Učenci koji su aktivno uključeni u proces učenja i razvijaju nove koncepte učenja, ne samo memorisanje, razvijaju sposobnost za samostalno usmjerenje svog učenja]; E --> F[Razvoj metakognicije: proces razmišljanja o vlastitim procesima mišljenja i upravljanja njima. To je svijest o tome šta znamo - možemo - činimo - osjećamo - želimo.]; F --> A;
```

Učitelj je onaj koji podupire učenika kontinuiranim utvrđivanjem kako napreduju i prilagođava tok nastave povratnim informacijama koje dobije od učenika

Formativno praćenje

Razvoj metakognicije: proces razmišljanja o vlastitim procesima mišljenja i upravljanja njima. To je svijest o tome šta znamo - možemo - činimo - osjećamo - želimo.

Strategije ocjenjivanja odvijaju se tokom procesa učenja za razliku od sumativnog koji se fokusira na završni ispit

Učenci koji su aktivno uključeni u proces učenja i razvijaju nove koncepte učenja, ne samo memorisanje, razvijaju sposobnost za samostalno usmjerenje svog učenja

Promijenjeni oblik učenja i podučavanja

**ELEMENTI
FORMATIVNOG
PRAĆENJA**

svrha učenja i kriteriji uspješnosti

dokazi

povratne informacije

pitanja za pomoć u učenju

samoevaluacija

vršnjačka evaluacija



Svrha učenja i kriteriji uspješnosti

Dosadašnja praksa bila je da učitelj planira proces učenja u skladu s ciljevima učenja postavljenim u nastavnom planu i programu. Često su ti ciljevi napisani na stručnom jeziku koji nije razumljiv učenicima. Ako želimo da učenici razumiju ono što uče, vrlo je važno da razumiju ciljeve učenja, što znači da ih učitelj mora „prevesti“ na jezik učenika. Ove ciljeve nazivamo svrhom učenja. Svrha učenja treba biti jasna, dostupna, zapisana na istaknutom mjestu i povezana s dugoročnim ciljevima.

Razred: II

Predmet: Bosanski jezik i književnost, Hrvatski jezik i književnost i Srpski jezik i književnost

Ishodi: B.2.2 Primjenjuje pravila standardne gramatike pri pisanju.

B.2.3 Primjenjuje pravopisna pravila.

Indikatori:

Primjenjuje pravila o slaganju riječi u rečenicama.

Upotrebljava pri pisanju smislene proste neproširene proste proširene rečenice.

Razlikuje rečenice po značenju.

Razlikuje rečenice po obliku.

Primjenjuje pravopisna pravila u pisanju upotrebljavajući osnovne znakove interpunkcije (tačka, zarez, dvotačka, upitnik i uzvičnik).


Indikatori
za ključni
sadržaj
rečenica
za II
razred

Primjer

PUT ZNANJA



Nakon aktivnosti koje se tiču uvoda u učenje i procesa učenja, učenici zapisuju svoje kriterije uspješnosti uz pomoć učitelja.



KRITERIJI USPJEŠNOSTI U UČENJU

Razlikujem izjavnu, uzvičnu i upitnu rečenicu.

Rečenicu počinjem velikim slovom.

Na kraju izjavne rečenice stavljam tačku.

Na kraju upitne rečenice pišem upitnik.

Rječcu "li" odvajam od riječi uz koju stoji.

Na kraju uzvične rečenice pišem uzvičnik.

Postavljanje kriterija omogućava učeniku:

- Jasne ciljeve – šta treba znati,
- Kako će to postići,
- Šta još treba kao pomoć da dostigne postavljene ciljeve,
- Vrednovanje svog napretka,
- Vrednovanje napretka vršnjaka,
- Stječe kontrolu nad svojim učenjem

Ideje za samoevaluaciju i vršnjačku evaluaciju

U oblačić napiši cilj koji si postigla/postigao!



Kako sam postigla/postigao svoj cilj? Šta sam ućionila/ućinio?

Ime: _____


Nakon razgovora s učiteljicom, napiši svoj lični cilj u kofer iza auta.



Dogovori s učiteljicom vrijeme do kojeg namjeravaš to postići.

Vrijeme: _____

Kada uspiješ, nacrtaj smajlič.



Pogodno za učenika s
teškoćom.

Moj plan učenja:

Nova znanja koja sam naučila/naučio na ovom času:


Stvarno sam uživala/uživao učeći o:

Trebam pomoć oko:

Htjela/htio bih nastaviti učiti o:


Moji planovi za dalje učenje su:

Znanja koja sam stekla/stekao koristit ću:




DVUE ZVJEZDE I JEDNA ŽELJA	
	Dva pozitivna zapažanja:
	
	Moglo bi biti bolje:

3 Nove informacije koje ste stekli:	
2 Pitanja koja vam se javljaju:	
1 Znanja koja će utjecati na vaše ponašanje u svakodnevnom životu:	



Meta se može prilagoditi svakom predmetu i svim sadržajima, postavljajući kriterije uspješnosti u učenju. Može se prilagoditi i različitim nivoima znanja.



Primjer *Mete* za učenike sa teškoćom.

Materijal: Povratne informacije učenika o grupnom radu:



Datum:				
Vrsta aktivnosti:				
Svrha rada:				
Članovi grupe:				
Šta vam se svidjelo u radu, a šta nije:				
Ocijenite rad grupe:	Znanje: (nacrtaj)	Saradnja: (nacrtaj)	Disciplina: (nacrtaj)	Kreativnost: (nacrtaj)
				
Možemo pohvaliti:				
Popravit ćemo:				



Ideje za provjeru:	
1. Pripremite kviz	Napiši deset pitanja vezanih za temu o kojoj smo razgovarali. Izaberi dva pitanja i odgovori na njih.
2. Pet riječi	Kojih pet riječi ćeš izabrati da opišeš...? Objasni svoj izbor.
3. Kolaž	Napravi kolaž o temi koju smo izučavali. Objasni ga u jednom odlomku.
4. Pismo	Objasni najboljem prijatelju u pismu.
5. Ilustracije	Predstavi ilustracijama povezanost pojmova u tekstu. Ispod ilustracije napiši objašnjenje.
6. Tablica	U tablici objasni šta znaš, šta si naučila/naučio i šta želiš znati.
7. Parabole	Ono što sam danas naučila/naučio je kao...
8. Izvještaj za minutu	U jednoj minuti opiši najvažniju stvar koju si danas naučila/naučio.
9. Intervju	Ti si gost večernjeg dnevnika. Odgovori na pitanja: Šta je sastavni dio...? Zašto je značajna tema o kojoj se govori?
10. Dvostruki dnevnik	Nacrtaj tabelu sa dvije kolone. U lijevu napiši 5 bitnih rečenica o ovoj temi, a u desnu napiši zašto si baš izabrala/izabrao tu rečenicu i obrazloži je.
11. Strip	Predstavi sadržaj stripom.
12. Razredna konferencija	Pripremi kratki govor na temu i prezentiraj ga razredu.
13. Pjesma - osoba	Opiši osobu tako što ćeš napisati pjesmu: U prvom redu ime osobe, U drugom redu napiši 3 do 4 riječi koje opisuju tu osobu, U trećem redu napiši važnu osobu u životu osobe koja se opisuje, U četvrtom redu 3 do 4 riječi koje se odnose na nešto što se toj osobi dopada, U petom redu 3 osjećaja osobe, U šestom redu: 3 brige, straha osobe, U sedmom redu: postignuća osobe, U osmom redu: 2 do 3 stvari koje osoba želi, U devetom redu: mjesto stanovanja osobe, U desetom redu: prezime osobe.
14. Veza	Kada učenici već imaju znanja o nekoj tematskoj cjelini, dajemo im zadatak da na list papira napišu sve što znaju o toj temi. Prije toga se podsjetiti kriterija uspješnosti. Nakon pisanja, pitati ih: Kojom svojom bilješkom zadovoljavaš određeni kriterij uspjeha?

- Učenici s teškoćama pokazuju najveći napredak u ostvarenju odgojno-obrazovnih ishoda onda kada se kod njih sistemski potiče razvoj metakognicije – formativno praćenje.
- Kako bi učitelj/nastavnik/asistent mogao voditi učenike kroz proces razvijanja metakognitivnih sposobnosti i na njima temeljene samoregulacije učenja, može pripremiti kartice (podsjetnike) s pitanjima koja učenika vode kroz proces učenja/rješavanja zadatka. S obzirom na izdvojeno područje, neka od pitanja su:

Kako ću uraditi ovaj zadatak? Šta mogu lahko riješiti? Gdje trebam uložiti veći napor? Šta trebam naučiti? Koliko mi treba vremena da riješim? Kad ću napraviti pauzu? Razumijem li ovo što učim? Kako napredujem?

Učitelj/nastavnik/asistent može napraviti zvučne zapise istih uputa koje onda učenik upotrebljava tokom procesa učenja/rješavanja zadatka. Učenik se koristi podsjetnicima dok ne zapamti upute/pitanja koje će sam sebi zadavati. Učitelj/nastavnik/asistent potiče ga da najprije glasno, a zatim u sebi ponavlja te upute/pitanja. Učenik je samostalan onda kada može bez poticaja i podsjetnika sam sebi postavljati pitanja/upute za učinkovito učenje/rješavanje problema.



**Načela za
razvijanje
samoregulacije**

Postupnost

Davanje povratne informacije

**Samovrednovanje i pozitivno
potkrepljivanje**

Učenje na pogreškama

**Prilagođavanje na temelju
povratnih informacija**

**Usmjerenost na saradnju i
pružanje podrške**

**Raznolikost aktivnosti i prilika za
učenje**

Učitelj/nastavnik kao model

► Primjer za samovrednovanje:

Ime:

Zadovoljna sam svojim radom jer...

Nisam zadovoljna kako sam...

Željela/želio bih poboljšati...

Komentar drugara iz razreda:

Komentar učiteljice:

► Primjer za učenje na pogreškama

Naslov rada koji pregledavam:
Izaberi jednu grešku i razmisli o njoj uz pomoć pitanja u nastavku.
Možeš li opisati grešku koja vam se dogodila?
Prepoznaješ li uzrok tome?
Ima li greška smisla?
Jesi li prepoznala grešku sama/sam ili ti je neko ukazao?
Možeš li to sama/sam popraviti? Kako?

► Primjer za učenje na pogreškama

Naslov rada koji pregledavam:

Izaberi jednu grešku i razmisli o njoj uz pomoć pitanja u nastavku.

Možeš li opisati grešku koja vam se dogodila?

Prepoznaješ li uzrok tome?

Ima li greška smisla?

Jesi li prepoznala grešku sama/sam ili ti je neko ukazao?

Možeš li to sama/sam popraviti? Kako?

Stvaranje okruženja za poticanje razvoja samoregulacije emocija i ponašanja


1. **postavljanje jasnih očekivanja i granica** – istaknuti pravila ponašanja, sklapanje „ugovora“ s učenikom
2. **obraćanje pozitivne pažnje i povremeno pozitivno potkrepljivanje primjerenih ponašanja**
3. **omogućavanje iskustva prirodnih i logičkih posljedica ponašanja** (buduća ponašanja biraju se na osnovu posljedica)
4. **pravednost odgojnih postupaka**
5. **primjerenost odgojnih postupaka**
6. **davanje neposredne i jasne povratne informacije o primjerenosti ponašanja**
7. **poticanje na samovrednovanje i vrednovanje različitih elemenata ponašanja i vođenje kroz taj proces** - S učenikom se može napraviti lista za samoopažanje: tablica s kratkim opisima očekivanih ponašanja u koju na kraju svakog nastavnog časa učenik, vođen učiteljem/nastavnikom, može upisati ocjenu koja opisuje koliko je pojedino ponašanje bilo izraženo (učestalost ponašanja) ili svoje mišljenje izraziti u obliku neke oznake (npr. nasmijano lice, ozbiljno lice, tužno lice). Svrha ove liste je postavljanje jasnih očekivanja i granica, obraćanje pozitivne pažnje na učenika, davanje neposredne i konkretne povratne informacije o primjerenosti ponašanja i pozitivno potkrepljivanje primjerenih ponašanja. Uz navedeno, ona omogućuje i praćenje napretka učenika.
8. **pomaganje učeniku da poveže svoje ponašanje s posljedicama toga ponašanja**
9. **omogućavanje popravljivanja neželjenih ishoda vlastitog neprimjerenog ponašanja**
10. **korištenje postupaka koji izazivaju nelagodu samo kada sve prethodno ne potakne učenika na promjenu ponašanja (uskraćivanje privilegija i sl.)**
11. **dosljedno postupanje u slučaju neprimjerenih ponašanja**

Razmišljam o svom ponašanju

Šta sam pogrešno uradila/uradio?



Zašto je ovo bilo pogrešno?



Sljedeći put ću...



Zašto sam bila ljuta/ljut, tužna/tužan...?



Šta ću promijeniti u svom ponašanju?



Strategije podrške za usvajanje primjerenih ponašanja

1. Učitelj kontinuirano prati: u kojim se situacijama najčešće javlja neprimjereno ponašanje, šta prethodi neprimjerenom ponašanju (šta je poticaj za to ponašanje), koja je funkcija neprimjerenog ponašanja (koju potrebu učenik zadovoljava tim ponašanjem, šta dobiva tim ponašanjem, odnosno što ga potkrepljuje)
2. Ako se utvrdi da učenik nema pojedine socijalne vještine ili su nedovoljno razvijene, važno je voditi ga kroz proces njihova razvijanja. Neke od socijalnih vještina su: vještine primjerene komunikacije: korištenje „ja-govora“, aktivno slušanje, primjerena neverbalna komunikacija ; vještine nenasilnog rješavanja sukoba (asertivno zauzimanje za sebe, dogovaranje kompromisa); tehnika rješavanja problema; tehnika donošenja odluka; traženje pomoći vršnjaka i odraslih osoba
3. Korisno je uključivanje učenika u vanškolske i vannastavne aktivnosti, ovisno o njegovim interesima i sklonostima. Time se i potiče razvoj samopouzdanja, samopoštovanja i pozitivne slike o sebi. Isti se ciljevi ostvaruju i davanjem odgovornosti učeniku kojom će biti aktivan i doživjeti uspjeh (pomaganje učitelju/nastavniku, odgovarajuća uloga tokom rada u grupi)
4. Važno je smanjiti vjerovatnost podržavanja neprimjerenih ponašanja vršnjaka. Zato je korisno ostalim učenicima: pomoći da razumiju njegova ponašanja, ukazivati na važnost prihvatanja toga učenika, uz ne prihvatanje njegovih neprimjerenih ponašanja, naučiti ih kako dati povratnu informaciju o neprihvatljivosti neprimjerenih ponašanja poštujući učenika kao osobu, dogovoriti strategije koje će koristiti kada se učenik neprimjereno ponaša, ponekad je korisno prostorno udaljiti učenika od vršnjaka koji potiču neprihvatljiva ponašanja
5. određivanje prioriteta (odabrati jedno do dva ponašanja na čijoj promjeni će se sistemski raditi; kad učenik promijeni ta ponašanja, odabrati sljedeća)


Izrada Individualnih prilagođenih programa (IPP) i Individualiziranih edukacijskih programa (IEP)

IPP ili IEP nije razlog da dijete radi manje, to je uputstvo da postigne više.
L. Bayardo

Potrebno je provesti sljedeće:

- **INICIJALNA PROCJENA** učenika s teškoćama u razvoju za određeni nastavni predmet (specifičnosti učenikovih teškoća, njegove kompetencije, predznanja i utvrđene obrazovne, socioemocionalne i odgojne potrebe te utvrđene potrebe za dodatnim odgojno-obrazovnim i rehabilitacijskim programima)
- **ODGOJNO-OBRAZOVNI ISHODI** (očekivane razine ostvarenosti odgojno-obrazovnih ishoda, informirati učenika s teškoćama u razvoju o tome šta učitelj/nastavnik konkretno od njega očekuje skladno sa vrstom i stepenom teškoće)
- **AKTIVNOSTI** (očekivane aktivnosti učenika s teškoćama u razvoju u nastavi u učionici/vannastavnim aktivnostima)
- **STRATEGIJE PODRŠKE** (prilagodba metoda, sredstava, postupaka, oblika, zahtjeva)
- **VREDNOVANJE OSTVARENOSTI ODGOJNO-OBRAZOVNIH ISHODA.**

(IPP)



„Najbolji učitelji su oni koji vam kazuju u
kojem pravcu gledati, ali vam ne
govore šta trebate vidjeti.“

Aleksandra K. Trenof